

*Bistriciense* Capitulum habet Bistriciam cum 2, pagis regis. *Regnense* Capitulum *Regen* forte, habet pagos plus quam triginta. *Barcense* Capitulum *Barzazarg* habet Coronam civitatem cum tredecim pagis regis. *Kisdense* Capitulum habet Segesburgam, & pagos quadraginta octo. Duorum sedium Capitulum complectitur civitatem *Megiensem* cum pagis triginta sex. *Cibiniensium* Capitula duo, quorum unum habet *Cibinium* & pagos viginti tres, alterum Capitulum *Cibiniense*, quod vocant *Surrogativa*, continet pagos circiter 22. *Zabesiense* Capitulum habet *Zabesium* cum pagis septemdecim. Non desunt huic Regioni Stagna atque paludes, quæ piscibus præstantissimis affluunt. Fluvii navigabiles tres sunt, *Aluta*, *Morossus*, *Samus*: quorum duo priores à Montibus *Scythicis* originem suam trahentes, hic in *Tibiscum*, ille vero recta in *Danubium* tendens, delabuntur; tertius *Samus* (*Thimes*, Germanis & Hungaris) ex *Alpibus*, *Colota* dictis, oriens, qui itidem in *Tibiscum* delabitur. Sunt præterea & alii amnes, ut *Chicel* major & minor, *Sabesus*, *Chrysus*, *Chrysolores*, *Strygius*, quorum tres ultimi aurearamenta ferunt, aurique fragmenta quandoque sesquibralia trahunt. Pisces in iis & supra dictis optimi, ac varii reperiuntur; *Acipenser* nimirum magnus & parvus, *Cyprinus* trium generum, *Salmo*, *Lampetra* fluviatilis & lacustris, *Silurus*, *Mulus* barbatus dictus, *Murenæ* genus rarum, *Truta* alba & nigra, *Gobii squammati*, ac sine squammis aliis penitus incogniti. De *Lupis*, *Percis*, *Tincis*, *Murena* vulgo dicta nihil memoro; qui Pisces inaudita fere magnitudinis inveniuntur. Montes item sunt *Valachiæ* *Cisalpinæ* & *Moldaviæ* vicini, qui *Agaricum*, ac *Terebinthum* stillant. Silvæ frequentes, inter quas *Hercynia*, in quibus præter *Feras* supra memoratas jubati *Boves*, & silvestres *Equi*, quibus juba ad terram usque demissa. Sunt præterea in hac Regione *Arces* plurimæ &que munitissime. Inter quas primum occurrit *Rubea* turris arx fortissima, sita in *alpibus* juxta decurrentem anem, ubi angustus inter Montes introitus patet in regionem, estque ceterum propugnaculum totius terræ, ut ab illa parte nemo ingredi queat, si arcis præfectus repagula objiciat. Est & alia Arx munita infra *Opidum* *Miltenbach* juxta *Bros* *Opidum*, ubi quoque juxta fluvium inter convalles & nivosas alpes iter est in *Transsylvaniam* ducens, & aliæ. Nunc sequitur ut de moribus aliquid subjungamus, qui varii sunt, quia a variis gentibus, (ut supra vidimus) & olim occupata fuit, atque etiam hodie tenetur. *Valachorum* gens est aspera, bonarum artium atque disciplinarum experta, *Religionis Græcæ*, moribus *Paganismum* redolentibus, quum & divinaculos in pretio habeant, & per *Iovem*, *Venerem* (quam sanctam vocant) jurent, & multis aliis rebus ad *Gentilium* ritum accedant; quin etiam neque *Opida* habeant, neque domos lateritias, sed in saltribus degentes arundine duntaxat adversus injuriam cœli muniantur. Reliqua pars *Transsylvaniæ*, multis partibus est, ut solo cultior, ita & hominibus moratior. *Scytharum* in *Transsylvaniam* lingua exigua dialecto ab *Hungarica* hodie differt, quondam tamen maximum idiomatis discrimen fuit, ut & scriptionis, quam illi *Hebræorum* more a dextera orsi levam versus exarabant. *Ciculi*, genus hominum ferox & bellicosum: inter quos nullus neque *Nobilis* neque *rusticus*, omnes eodem jure censentur, *Helvetiorum* instar, ut supra quoque diximus. *Hungarorum* magna præ aliis potentia & autoritas est. Et hæc hætenus de *Transsylvaniam* breviter dicta sufficiant.

Lacus.

Fluvius.

Montes.

Silva.

Opera publica.

Mores.